



MINATURA 2020 – Ležišta mineralnih sirovina od javnog značaja

Novi projekt EU pod nazivom MINATURA 2020 – Razvoj okvirnog koncepta za Evropski okvir o ležištima mineralnih sirovina, finansiran od strane Evropske komisije u sklopu Programa Horizont 2020, započeo je početkom 2015. godine, kao odgovor na potrebe društva za očuvanjem ležišta mineralnih sirovina od javnog značaja.

Eksploatacija domaćih ležišta mineralnih sirovina u Evropi je jako bitna ako želimo osigurati da se potrebe Evropskog društva mogu zadovoljiti na održivi način. Kako bi se postigao ovaj cilj, društvo mora osigurati efektivan pristup koji će omogućiti istraživanje i eksploataciju takvih ležišta mineralnih sirovina, bez da se naruše potrebe budućih generacija. Prema tome, potencijalna ležišta mineralnih sirovina (uključujući napuštena i istorijska rudarska mjesta) moraju biti vrednovana na specifičan način, uzimajući u obzir druge oblike korištenja prostora kao i utjecaj na okolinu. Razmatranje opcija eksploatacije mineralnih sirovina i ostalih mogućnosti korištenja zemljišta je izazov koji zahtjeva aktuelne informacije i činjenice.

Kao odgovor na taj izazov početkom 2015. godine u sklopu Programa za istraživanje i razvoj (R&I) Horizont 2020 započeo je Projekt MINATURA 2020, finansiran od strane Evropske komisije. Opšti cilj ovoga trogodišnjeg projekta je razviti **koncept i metodologiju kojom bi se definisalo šta su to „Ležišta mineralnih sirovina od javnog značaja“ i kako osigurati njihovu zaštitu**, s čim će se osigurati efikasna buduća upotreba koja će biti u skladu sa Evropskim zakonskim okvirom. Uspostavljanje regulatornih politika, koje će sadržavati trajna načela iz područja iskorištavanja mineralnih sirovina, isto kao što postoje načela za druge oblike korištenja resursa/prostora, predstavlja vodeću silu projekta.

Pod vodstvom MinPol (Austrija), Agencije za međunarodnu politiku u području mineralnih resursa, MINATURA2020 koristi opsežno iskustvo i snagu međunarodnog konzorcija od 24 partnera iz 16 zemalja članica EU (Austrija, Belgija, Hrvatska, Francuska, Mađarska, Italija, Irska, Holandija, Poljska, Portugal, Rumunija, Slovačka, Slovenija, Španjolska, Švedska i Velika Britanija) i 3 zemlje koje nisu članice EU-a (Bosna i Hercegovina, Crna Gora i Srbija).

Svi projektni partneri imaju dokazano iskustvo u realizaciji projekata na nacionalnom, međunarodnom i komercijalnom nivou i aktivni su učesnici u međunarodnoj zajednici kada je riječ o mineralnim sirovinama.

Poseban naglasak biće na pan-Evropskoj primjeni i sinergiji projekta. Stoga Konzorcijum ima namjeru da uključi što je moguće više evropskih država u razmjenu mišljenja. Zbog toga će se u mnogim evropskim državama organizovati sastanci sa zainteresovanim stranama tokom 2016. godine kako bi se prikupili brojni podaci i napravila široka osnova za rad na najvažnijim temama projekta Ležišta mineralnih sirovina od javnog značaja.

VIŠE INFORMACIJA:
<http://minatura2020.eu>

KONTAKT:
Kordinator: MinPol (Austrija), Dr. Günter Tiess
gtiess@minpol.com

Projektni partner iz BiH: Ministarstvo gospodarstva HBŽ
mg@vladahbz.com

Kontakt osoba ispred Ministarstva gospodarstva HBŽ
Jovanka Sabljic
sabljjc.jovanka5@gmail.com

